

Home / Terkini / TDM beri kontrak RM7.65 juta pulihkan ladang kelapa sawit kepada Terengganu Dredging



TERKINI - 03 Mar 2026 04:18 PM



TDM beri kontrak RM7.65 juta pulihkan ladang kelapa sawit kepada Terengganu Dredging



Oleh Muhammad Iman
editor@dagangnews.com

KUALA LUMPUR 3 Mac - Anak syarikat TDM Bhd, TDM Plantation Sdn Bhd melantik Terengganu Dredging Sdn Bhd sebagai kontraktor bagi projek perintis pemulihan ladang kelapa sawit di Kemaman.

Nilai kontrak adalah sebanyak RM7.65 juta dan ia dianggap sebagai transaksi pihak berkaitan memandangkan terdapat persilangan kepentingan antara pemegang saham dan pengarah yang sama.

Dalam makluman di Bursa Malaysia, syarikat itu menyatakan bahawa Menteri Besar Terengganu (Incorporated) merupakan pemegang saham utama yang berkepentingan, manakala YBM Tengku Seri Bijaya Raja ialah pengarah yang berkepentingan.

Kerja-kerja pemulihan ladang kelapa sawit ini bertujuan untuk memaksimumkan kepadatan penanaman kelapa sawit melalui pelbagai kerja penyediaan tanah dan penanaman semula kelapa sawit.

"Tapak projek kini mengalami pertumbuhan kelapa sawit yang terbantut, dengan jumlah pokok yang sangat rendah, iaitu purata 81 pokok bagi setiap hektar, serta aksesibiliti yang terhad akibat runtuhan teres dan jalan ladang.

"Kekangan ini telah mengakibatkan prestasi yang amat rendah, dengan tapak merekodkan purata hasil tandan buah segar hanya 9.7 tan bagi setiap hektar pada 2025," katanya.



"Tanpa campur tangan pembetulan, kawasan yang terjejas dijangka menjadi semakin sukar diakses dan akhirnya ditinggalkan, seterusnya meningkatkan risiko serangan perosak serta terus merendahkan nilai aset TDM," tambahnya. - [DagangNews.com](https://www.dagangnews.com)


dagangnews.com
Berita Bisnes Anda
Layari kami terus di [DagangNews.com](https://www.dagangnews.com)

SYARAT & TERMA PENGHANTARAN ARTIKEL KLIK DI SINI

LINK

Home
Pilihan Editor
Terkini
Video
Merrepek
Kolumnis
Parafrasa
Sukan
English

CONTACT INFO


dagangnews.com
Berita Bisnes Anda
Dagang News Sdn Bhd 06-06, Pusat Perdagangan,
Plaza Azalea, 10, Persiaran Bandar Raya, Seksyen 14, 40000
Shah Alam, Selangor
✉ editor@dagangnews.com